

唐  
音  
統  
籤

戊籤五十三李山甫之二

唐音統籤卷

六百六十一

七言律詩二

下第獻所知三首

偶向江頭別釣磯等閑經歲與心違  
虛教六尺受辛苦枉把一身憂是非  
青桂本來無欠負碧霄何處有因依  
春風不用相催促迴避花時也解歸  
不識人間巧路岐只將端拙泥神祇  
與他名利本無分却共水雲曾有期  
大底物情應莫料近來天意也須疑  
自憐心計今如此憑仗春醪爲解頤  
十年磨鏃事鋒鏑始逐朱旗入戰場  
四海風雲難

際會一生肝膽易開張退飛鶯谷春零落倒卓龍  
門路渺茫今日慙知也慙命笑餘歌罷忽淒涼

賀邢州盧員外

紫泥飛詔下金鑾列象分明世仰觀北省諫書藏  
舊草南宮郎署握新蘭春歸鳳沼恩波暖曉入鴛  
行瑞氣寒偏是此生棲息者滿衣零淚一時乾

賀友人及第

得水蛟龍失水魚此心相對兩何如敢辭今日須  
行卷猶喜他年待薦書松桂也應情未改萍蓬爭  
奈迹還疎春風不見尋花伴遙向青雲泥子虛

謁翰林劉學士不遇

夢繞清華宴地深  
洞宮橫鎖曉沈沈  
鵬飛碧海終難見  
鶴入青霄豈易尋  
六尺羈魂迷定止  
兩行愁血謝知音  
平生只耻凌風翼  
隨得鳴珂上禁林

赴舉別所知

腰劒囊書出戶遲  
壯心奇命兩相疑  
麻衣盡舉一雙手  
桂樹只生三十枝  
黃祖不憐鸚鵡客  
誌公偏賞麒麟兒  
叔牙知一作我應相痛回首  
天涯寄所思

下第卧疾盧員外召遊曲江

眼前何事不傷神  
忍向江頭更弄春  
桂樹既能欺賤子  
杏花爭肯採閑人  
麻衣未掉渾身雪  
皂蓋難遮滿面塵  
珍重列星相借問  
嵇康慵病也天真

方干隱居

咬咬嚙嚙水禽聲  
露洗松陰滿院清  
溪畔印沙多鶴跡  
檻前題竹有僧名  
問人遠岫千重意  
對客閑雲一片情  
早晚塵埃得休去  
且將書劒事先生

山中覽劉書記新詩

記室新詩相寄我  
蕭然清絕更無過  
谿風滿袖吹騷雅  
巖瀑無時滴薜蘿  
雲外山高寒色重  
雪中松

苦夜聲多靜酬嘉唱對幽景蒼鶴羸棲古木柯

答劉書記見贈

吟近秋光思不窮  
酷探騷雅愧無功  
茫然心苦千篇拙  
瞑坐神疑萬象空  
月上開襟當北戶  
竹邊回首揖西風  
知音頻有新詩贈  
白雪紛紛落郢中

贈徐三十

春滿南宮白日長  
夜來新直錦衣郎  
朱排六戟助神聳  
玉襯一廳侵骨涼  
砌竹拂袍爭草色  
庭花飄艷妬蘭香  
從今不羨乘槎客  
曾到三星列宿傍

贈彈琴李處士

王曰記云前翰林待詔王敬邀長安人善琴避地鄴中時

羅紹威新立方務戰爭敬邀不偶者數歲  
山甫適于道觀中與相遇又有李處士亦  
善撫琴山甫請二客曰幽蘭深水可得聞  
乎敬邀即應命奏之聲清韻古感動神爽  
曲終敬邀潛然反袂云憶在咸通秋夜供  
奉至尊之際不意流離於此李處士亦爲  
白鶴之操山甫援毫抒思以詩贈曰幽蘭  
澤水耿清音歎息先生枉用心世上幾時  
曾好古人前何必苦沾襟餘句未成山甫  
亦自默然悲其未遇也遂命酒停絃各引  
滿數盃而醉泊酒醒遂成四韻載於詩集  
今山甫集中只標今處士蓋寫錄之誤  
情知此事少知音自是先生枉用心世上幾時曾  
好古人前何必更沾襟致身不似笙簧巧悅耳寧  
如鄭衛淫三尺焦桐七條線子期師曠兩沈沈

寄衛別駕

曉屐歸來嶽寺深  
嘗思道侶會東林  
昏沉天竺看  
經眼蕭索淨名老  
病心雲蓋數重橫  
隴首苔花千點遍  
松陰知君超達悟  
空旨三徑閑行抱  
素琴

山中寄樂判官

歸臥東林計偶諧  
柴門深向翠微開  
更無塵事心頭起  
還有詩情象外來  
康樂公應頻結社  
寒山子亦患多才  
星郎雅是道中侶  
六藝拘牽在隗臺

禪林寺作寄劉書記

坐近松風骨自寒  
茅齋直接白雲邊  
玄關不閉何人到  
此事誰論在佛先天竺  
老師留一句曹谿行



者荅全篇今朝林下忘言說強把新詩寄謫仙

賦得寒月寄齊已

松下清風吹我襟上方鐘磬夜沈沈已知廬嶽塵埃絕更憶寒山雪月深高謝萬緣消祖意朗吟千古亦師心豈知名徧出諸夏石上棲禪竹影侵

送職方王郎中吏部劉員外自太原鄭相公

幕繼奉徵書歸省署

雙鳳銜書次第飛玉皇催促列仙歸雲開日月臨青瑣風卷煙霞上紫微蓮影一時空儉府蘭香到處撲堯衣此生長掃朱門者每向人間夢粉闥

送蘄州裴員外

正作南宮第一人暫隨寬旆愴離群  
曉從闕下辭天子春向江頭待使君  
五馬尚迷青瑣路雙魚猶惹翠蘭芬  
明朝無路尋歸處禁樹參差隔紫雲

送李秀才入軍

弱柳貞松一地栽不因霜霰自難媒  
書生只是平時物男子爭無亂世才  
鐵馬已隨紅旆去同人猶著白衣來  
到頭功業須如此莫爲初心首重回

公子家二首

曾是皇家幾世侯入雲高第照神州  
柳遮門戶橫

金鎖花擁絃歌咽畫樓錦袖妬姬爭巧笑玉銜嬌  
馬索閑遊麻衣酷獻平生業醉倚春風不點頭  
柳底花陰壓露塵醉煙輕罩一團春鴛鴦占水能  
喚客鸚鵡嫌籠解罵人騷裏似龍隨日換輕盈如  
燕逐年新不知買盡長安笑活得蒼生幾戶貧

貧女

平生不識繡衣裳閑把荆簪益自傷鏡裏祇應諳  
素貌人間多自重紅粧當年未嫁還憂老終日求  
媒卽道狂兩意定知無說處暗垂珠泪滴蠶筐

月

狡兔頽墻死復生渡雲經漢澹還明夜長難耐對  
君坐年少不禁隨爾行玉桂影搖烏鵲動金波寒  
注鬼神驚人間半被虛拋擲唯向孤吟客有情

風

喜怒寒暄直不勻終無形狀始無因能將塵土平  
欺客愛把波瀾枉陷人飄零遞香隨日在綻花開  
柳逐年新深知造化由君力試爲吹噓借與春

秋

傍雨依風冷漸勻更憑青女事精神來時將得幾  
多鴈到處愁他無限人能被綠楊深懊惱謾悞黃

菊送慙慙鄰家不用偏吹律到底榮枯也自均

松

地聳蒼龍勢抱雲天教青共衆材分孤標百尺雪中見長嘯一聲風裏聞桃李傍他真是倭藤羅攀  
爾亦非群平生相愛應相識誰道修篁勝此君

牡丹

司空表聖有絕句云芙蓉嬌客空留怨  
芍藥詩家只寄情誰似大才李山甫壯  
并屬思亦縱橫  
香指此詩也

邀勒春風不蚤開衆芳飄後上樓臺數苞仙艷火  
中出一片異香天上來曉露精神妖欲動暮煙情  
態恨成堆知君也解相輕薄斜凭闌干首重迴

菊

籬下霜前偶得存，忍教遲晚避蘭蓀。  
也銷造化無多力，未受陽和一點恩。  
栽處不容依玉砌，要時還許上金樽。  
陶潛歿後誰知己，露滴幽叢見淚痕。

劉員外寄移菊

秋來綠樹復綠牆，怕共平蕪一例荒。  
顏色不能隨地變，風流唯解逐人香。  
煙含細葉交加碧，露拆寒英次第黃。  
深謝栽培與知賞，但慙終歲待重陽。

落花

落拓東風不藉春，吹開吹謝兩何因。  
當時曾見笑

筵主今日自爲行路塵顏色却還天上女馨香留  
與世間人明年寒食重相見零淚無端又濕巾

七言排律

遷居清溪和劉書記見示

擔錫歸來竹繞谿通津曾笑魯儒迷端居味道塵  
勞息扣寂眠雲心行齊還似村家無寵祿時將隣  
叟話幽棲山衣毳爛唯添野石井源清不貯泥祖  
意豈從年臘得松枝肯爲雪霜低晚天吟望秋光  
重雨陳橫空蔽斷峴

七言絕句

游俠兒

好把雄姿渾世塵一場閑事莫因循  
荆軻只爲閑言語不與燕丹了得人

下第出春明門

曾和秋雨驅愁入却向春風領恨回  
深謝灞陵隄畔柳與人頭上拂塵埃

滄浪峽

走轂飛蹄過此傍幾人留意問滄浪  
煙波莫笑趨名客爲愛朝宗日夜忙

項羽廟



爲虜爲王盡偶然有何羞見漢江船停分天下猶嫌少何要行人贈紙錢

望思臺

君父昏蒙死不回謾將平地築高臺九層黃土是何物銷得向前冤恨來

代崇徽公主意

金釵墜地鬢堆雲自別朝

一作昭

陽帝豈聞遣妾一

身安社稷不知何處用將軍

贈宿將

詩話總補

獵燕山經幾春雕弓白羽不離身年來馬上渾

無力望見飛鴻指似人

柳十首

灞岸江頭臘雪消東風偷軟入纖條春來不忍登樓望萬架金絲着地嬌

受盡風霜得到春一條條是逐年新尋常送別無餘事爭忍攀將過與人

長恨陽和也世情把香和艷與紅英家家只是栽桃李獨自無根到處生

只爲遮樓又拂橋被人催折好枝條假饒張緒如今在須把風流暗裏銷

月言集  
弱帶仁垂可自由傍他門戶倚他樓金風不解相  
擡舉露壓烟欺直到秋

終日堂前學畫眉幾人曾道勝花枝試看三月春  
殘後門外青陰是阿誰

也曾飛絮謝家庭從此風流別有名不是向人無  
用處一枝愁殺別離情

從來只是愛花人楊柳何曾占得春多向客亭門  
外立與他迎送往來塵

強扶柔態酒難醒春風別有情公子王孫且  
相伴與君俱得幾時榮

無賴秋風斗送寒萬條烟罩一時乾遊人若要春  
消息直向江頭臘後看

唐籤五十四

唐音統籤卷

六百六十二

羅鄴餘杭人與宗人隱虬齊名世稱三羅咸通中舉進士不第歿後光化中韋莊奏追賜進士及第

贈官集一卷

唐志同

今編三卷

紀事云鄴父爲鹽鐵小吏有子俱以文

學顯鄴尤長七言詩崔安潛侍郎廉問江西志在引旆竟爲幕吏所沮旣而俯就督郵因茲舉事無成而卒詩評云羅麗才雄而疎鄴才清而敏

五言律詩

巴南旅泊

巴山慘別魂巴水徹荆門此地若重到居人誰復存落帆紅葉渡駐馬白雲村却羨南飛鴈年年到

唐詩  
故園

河上逢友人

知君意不淺立馬問生涯  
舊業無歸地他鄉便是家  
宵吟憐桂魄朝起怯菱花  
語盡黃河上西風日又斜

春日與友人話別

酌坐對芳草東風吹旅衣  
最嫌驅馬倦自未有山歸  
華髮將時逼青雲計又非  
離襟一露灑迴首正殘暉

五言排律

夏日題遠公北閣

危閣壓山岡，晴空礙鳥行。  
勝搜花界盡，響益梵音長。  
有月堪先到，無風亦自涼。  
人煙紛繞繞，渚樹共蒼蒼。  
榻絕高樓語，曉憐書茗香。  
此身閑未得，驅馬入殘陽。

七言律詩一

自遣

四十年來詩酒徒，一生緣興帶江湖。  
不愁世上無人識，唯怕村中沒酒沽。  
青春巷巷摘桑喧，蛇女江船吹笛舞。  
蠻奴焚魚酌醴醉，兼代吟向席門聊自娛。

惜春

燕歸巢後卽離群  
吟倚東風恨日曛  
一別一年方見我  
愁來愁去不禁君  
鴛花御苑看將盡  
綠竹侯家亦少聞  
獨在南樓最惆悵  
柳塘飛絮更紛紛

秋晚

殘星殘月一聲鐘  
谷際巖隈爽氣濃  
不向碧臺驚醉夢  
但來清鏡促愁容  
繁金露泣荒籬菊  
獨翠煙衰遠澗松  
閑步幽林與苔徑  
漸移栖鳥息鳴蛩

溪上春望

無端溪上蘭橈又  
赴東風斷柳條  
雙鬢多於愁



裏鑷四時須向醉中銷行人駿馬嘶香陌獨我殘  
陽倚野橋吟水詠山心未已可能終不勝漁樵

春日宿崇賢里

柳暗榆飛春日深水邊門巷獨來尋舊山共是經  
年別新句相逢竟夕吟枕近禁街聞曉鼓月當高  
竹見樓禽勞歌莫問秋風計恐起江河垂釣心

長安惜春

千門共惜放春迴半鎖樓臺半復開公子不能留  
落日南山遮莫倚高臺殘紅似怨皇州雨細綠猶  
藏畫蠟灰畢竟思量何足歎明年時節又還來

長安春夕旅懷

幾年栖旅寄西秦不識花枝醉過春  
短艇閑思五湖浪靡蹄愁傍九衢塵  
關河風雨迷歸夢鐘鼓朝昏老此身  
忽向太平時節過一竿去老遺民

曲江春望

故國東歸澤國遙曲江晴望憶漁樵  
都緣北闕春先到不是南山雪易消  
瑞影玉樓開組繡歡聲丹禁奏雲韶  
雖然未得陪鸞鷺亦爾金觴祝帝堯

洛陽春望

洛陽春霽絕塵埃  
嵩少烟嵐盡障開  
草色花光惹

襟袖簫聲歌響隔樓臺人心便覺閑多少馬足方  
知倦往來愁上中橋橋上望碧波東去夕陽催

下第

謾把青春酒一杯愁襟未信酒能開江邊依舊空  
歸去帝里還如不到來門外殘陽鳴一作鳥雀花

催  
飛何處好池臺此時惆悵便堪老何用人間歲月

東歸

日日唯憂行役遲東歸可是有家歸都緣桂玉無  
門住不算山川去路非秦樹夢愁黃鳥嘯吳江釣

憶錦鱗肥桃夭李艷清明近惆悵當年意盡違

春望梁石頭城

柳碧桑黃破國春殘陽微雨望歸人江山不改興  
亡地冠蓋自爲前後塵帆勢掛風輕若翅浪聲吹  
岸疊如鱗六朝無限悲愁事欲下荒城回首頻

僕射坡晚望

離人到此倍堪傷陂水蘆花似故鄉身事未知何  
日了馬蹄唯覺到秋忙田園半落東歸晚道路辛  
勤北去長却羨無愁是沙鳥雙雙相趁下斜陽

夏晚望嵩亭有懷

正憐雲水與心違湖上亭高對翠微盡日不妨憑  
檻望終年未必有家歸青蟬漸傍幽叢噪白鳥時  
穿返照飛此地又愁無計住一竿何處是因依

春夜赤水驛旅懷

一星殘燭照離堂失計遊心歸渺茫不自尋思無  
道路爲誰辛苦競時光九衢春色休迴首半夜溪  
聲正夢鄉却羨去年買山侶月斜漁艇倚瀟湘

春山山館旅懷

山館吟餘山月斜東風搖曳拂窗花豈知驅馬無  
閑日長在他人後到家孤劍向誰開壯節流年催

我自堪嗟燈前結束又前去曉出石林啼亂鴉

巴南旅舍言懷

萬浪千巖首未回無繆想倚上高臺家山如畫不  
歸去客舍似讐誰遣來紅淚罷窺連曉燭碧波休  
引向風盃後時若有青雲望何事偏教羽翼摧

秋夕旅懷

階前月色與蛩聲階上愁人坐復行秦谷入霜空  
有夢越山無計可歸耕窮途若遣長堪慟華髮何  
因肯晚生不似扁舟釣魚者免將心事算浮榮

冬日旅懷

烏焰纔沉桂魄生霜階擁褐暫吟行閑思江市白  
醪滿靜憶僧窗綠綺橫塵土自憐長失計雲帆尤  
覺有歸情幾多悵望無窮事空畫爐灰坐到明

宿武安山有懷

野店暮來山畔逢寒蕪漠漠露華濃窗間燈在犬  
驚吠溪上月沉人罷舂遠別只愁添雪鬢此生何  
計隱雲峯離心却羨南飛翼獨過吳江更數重

春晚渡河有懷

煙收綠野遠連空戍壘依稀入望中萬里山河星  
拱北百年人事水歸東扁舟晚濟桃花浪走馬晴

嘶柳絮風鄉思正多羈思苦不堪回首問漁翁

冬夕江上書事四首

葉落纔悲草又生  
看看少壯是衰形  
關中秋雨書難到  
江上春寒酒易醒  
多少繫心身未達  
尋思舉目淚堪零  
幾時拋得歸山去  
松下看雲讀道經  
嗟嗟晨雞滿樹霜  
喧喧曉渡簇舟航  
數星昨夜寒爐火  
一陣誰家臘瓮香  
久別羈孤成潦倒  
迴看書劍更蒼黃  
逢人舉止皆言命  
至竟謀閑可勝忙  
野堂吟罷獨行行  
點水微微凍不鳴  
十里溪山新雪後  
千家襟袖曉寒生  
只宜醉夢依華寢  
可稱羸



蹄赴宿程日苦幾多言下見那堪歲晏又無成  
僻居多與懶相宜吟擁寒爐過臘時風柳欲生陽  
面葉凍梅先綻嶺頭枝山川自小拋耕釣骨肉無  
因免別離賴有陶情一尊酒愁中相向展愁眉

早發宜陵卽事

霜白山村月落時一聲雞後又登岐居人猶自掩  
關在行客已愁驅馬遲身事不堪空感激鬢毛看  
著欲凋衰青萍委匣休哮吼未有恩讐擬報誰

春過白遙嶺

鳥道穿雲望峽遙羸蹄經宿在岩窵到來山下春

將半上得林端雪未銷返駕王遵何足歎哭途阮  
籍謾無寥未如遇此恓惶者泣向東風鬢欲凋

春日過壽安山館

舊國多將泉石親西遊愛此拂行塵簾開山色離  
亭午步入松香別島春誰肯暫安耕釣地相逢謾  
嘆路岐身歸期不及桃花水江上何人鱸雪鱗

自蜀入關

文戰連輸未息機東書携劒定前非近來從聽事  
難得休去且無山可歸疋馬出門還悵望孤雲何  
處是因依斜陽驛路西風繁遞指人煙宿翠微

入關

古道槐花滿樹開  
入關時節一蟬催  
出門惟恐不  
先到當路有誰長  
待來似箭年光還  
可惜如蓬生  
計更堪哀故園若  
有漁舟在應掛雲  
帆早箇迴

別夜

秋入江天河漢清  
迢迢鐘漏出孤城  
金波千里別  
來夜玉筍兩行流  
到明若在人間須  
有恨除非禪  
伴始無情人間誰  
有聚散自然惆悵  
生

早發

一點燈殘酒醒已  
携孤劍事離程  
愁看飛雪聞

雞唱獨向長空背鴈行白草近關微有路濁河連  
底凍無聲此中來往本迢遞况是驅羸客塞城  
經故洛城

一片危牆勢恐人牆邊日日走蹄輪築時驅盡千  
夫力崩處空爲數里塵長恨往來經此地每嗟興  
廢欲沾巾那堪又向荒城過錦雉驚飛麥隴春

### 新安城

若算防邊久遠名新安豈更勝長城謾興他役悲  
荒壘何似從今實取兵聖德便應同險固人心自  
不向忠貞但將死節酬堯禹版築無勞寇已平

登凌歊臺

高臺今古境長開因想興亡自慘顏四海已歸新  
雨露六朝空認舊江山槎翹獨鳥沙汀畔風遞連  
檣雪浪閒好是輪蹄來往便誰人不向此躋攀

秋日留題蔣亭

西風纔起一蟬鳴便算關河馬上程碧浪鷁舟從  
此別丹青鵲箭忍無成二年芳思隨雲雨幾夕離  
歌戀旆旌回首橫塘更東望露荷煙菊倍傷情

洛水

一道潺湲潏暖沙年年惆悵是春過莫言行路聽

如此流入深宮恨更多橋畔月來清見底柳邊風  
紫綠生波縱然滿眼添歸思未把漁竿奈爾何

題滄浪峽

門向紅塵日日開入門襟袖遠塵埃暗香惹步澗  
花發晚景逼簷溪鳥迴不爲市朝行路近有誰車  
馬看山來可憐嚴子持竿處雲水終年鎖綠苔

偶題灘亭

萬般名利不關身况待山平海變塵五月波濤爭  
下峽滿堂金玉爲何人謾誇濟世青雲貴未盡離  
怀白髮新誰似雨蓬蓬底客滿花汀鳥白相親

鍾陵崔大夫罷鎮攀隨再經匡廬寺宿

一拋文戰學從公兩逐旌旌宿梵宮酒醒月移窗  
影畔夜涼身在水聲中候門聚散真如夢花界登  
臨轉悟空明發不堪山下路幾程愁雨又愁風

夏日宿靈巖寺宗公院

寺入千巖石路長孤吟一宿遠公房臥聽半夜杉  
壇雨轉覺中峰枕簟涼花界已無悲喜念塵襟自  
足是非妨他年縱使重來此息得心猿鬢已霜

留題張遵人草堂

一作杜牧誤

長懸青紫與芳枝塵世無因免別離馬上多於在

家日尊前堪惜少年時關河客夢還鄉後兩雪山  
程出店遲却羨高人此中老

此老作終

軒車過盡不

知誰

### 謁霽祠

春生溪嶺雪初開下馬雲亭酌一杯好是精靈偏  
有感能於鄉里不爲災九江賈客應遙祝五夜神  
兵數此來盡室唯求多降福新年歸去便風催

### 秋日懷江上友人

行子豈知煙水勞西風獨自泛征艘酒醒孤館秋  
簾卷月滿寒江夜笛高黃葉夢餘歸朔塞青山家



在極波濤去年今日逢君處鴈下蘆花猿正號

吳門再逢方干處士

天上高名

一作才

世上身垂綸何不駕蒲輪一朝卿

相俱前席千古篇章冠後人稽顙不歸空掛夢吳

一作鷺

宮相值欲沾巾吾王若致昇平化可獨成周

只渭濱

覽陳丕卷

雪宮詞客燕宮遊一轉煙波象外搜漫把蜀紋當  
畫展徒誇湘碧帶春流時致我寒侵骨得處疑  
君白盡頭從北南歸明月夜猿猿灘鳥更悠悠

唐書

戊

卷終

戊籤五十四羅鄴之二

唐音統籤卷

六百六十三

七言律詩二

留獻彭門郭常侍

受得彭門擁信旗一家將謂免羈離到來門館空  
歸去羞向交親說受知層構尚無容足地尺波寧  
有躍鱗時到頭忍耻求名是須向青雲覓路岐

獻池州庾員外

曾降瑤緘薦姓名攀雲幾合到蓬瀛須存彭壽千  
年在終見茆公九轉成鯤海已知勞鶴使螢窗不  
那夢霓旌琪花玉蔓應相笑未得歌吟從酒行

冬日寄獻庾員外

曾謁仙宮最上仙  
西風許醉桂花前  
爭歡酒麤浮金爵  
從聽歌塵撲翠蟬  
秋霽捲簾凝錦席  
夜闌吹笛稱江天  
却思紫陌觥籌地  
兔缺烏沉欲半年

贈東川梓桐縣韋德係長官

前代高門今宰邑  
懷才重義古來無  
笙歌厭聽吟清句  
京洛思歸展畫圖  
蜀醞天寒留客醉  
隴禽山曉隔簾呼  
何年期拜朱轡貴  
馬上論詩在九衢

聞友人入越幕因以詩贈

情嶺春生酒凍銷  
烟鬟紅袖恃嬌饒  
岸

一作邊叢

聚一作雪晴香老波上長虹晚影遙正哭阮途歸未  
得更聞江筆赴嘉招人間榮悴真堪恨坐想征軒  
鬢欲凋

山陽貽友人

性僻多將雲水便山陽酒病動經年行遲暖陌花  
闌馬睡重春江雨打船閑弄玉琴雙鶴舞靜窺庭  
樹一猿懸結茅更莫期深隱聲價如今滿日邊

下第呈友人

清世誰能便陸沉相逢休作憶山吟若教仙桂在  
平地更有何人肯苦心去國漢妃還似玉亡家石

氏豈無金且安懷抱莫惆悵瑤瑟調高尊酒深

冬日廟中書事呈樓白上人

日高荒廟掩雙扉杉逕無人鳥雀悲昨日江潮

一作

湖起歸思滿窗風雨覺來時何堪身計長如此閑  
盡爐灰却自疑賴有碧雲吟句客禪餘相訪說新  
詩

途中寄友人

秋庭悵望別君初折柳分襟十載餘相見或因中  
夜夢寄來多是隔年書携樽座外花空老垂釣江  
頭柳漸疎裁得詩憑千里鴈吟來寧不憶吾廬

秋夕寄友人

秋夕蒼茫一鴈過  
西風白露滿宮莎  
昨來京洛逢歸客  
猶說軒車未渡河  
莫把少年空倚賴  
須知孤立易蹉跎  
想君抱哀吟夜銅雀  
臺邊皓月多

春夕寄友人時有與歌者南北

芳徑春歸花半開  
碧山波暖鴈初迴  
滿樓月色還依舊  
昨夜歌聲自不來  
愁眼向誰零  
玉筯征蹄何處駐  
紅埃中宵吟罷正惆悵  
從此蘭堂鎖綠苔

赴職單于留別關下知己

職忝翩翩逐建牙  
簷隨征騎入胡沙  
定將千里書

憑鴈應看三春雪當花年長有心終報國時清到  
處便營家逢秋不擬同張翰爲憶鱸魚却嘆嗟

秋日留別義初上人

塞寺窮秋別遠師西風一鴈倍傷悲每嗟塵世長  
多事重到禪齋是幾時霜嶺自添紅葉恨月溪休  
和碧雲詞關河迥首便千里飛錫南歸詎可知

送張逸人

自說歸山人事賒素琴丹竈是生涯床頭殘藥鼠  
偷盡溪上破門風擺斜石井晴垂青葛葉竹籬荒  
映白茅花遙知此去應稀出獨卧晴窗夢曉霞



費拾遺書堂

滿袖歸來天柱香  
紫泥重降舊書堂  
自憐葦帶同巢許  
不駕蒲輪佐禹湯  
怪石盡涵千古秀  
奇花多吐四時芳  
何人更肯追高躅  
唯有樵童戲薛牀

歲仗

玉帛朝元萬國來  
雞人曉唱五門開  
春排北極迎仙仗  
日捧南山入壽杯  
歌舜薰風鏗劍佩  
祝堯嘉氣靄樓臺  
可憐四海車書共  
重見蕭曹佐漢材

帝里

喧喧蹄轂走紅塵  
南北東西暮與晨  
謾道青雲難

得路何曾紫陌有閑人  
杯傾竹葉侯門月馬落桃  
花御水春只合詠歌來大國  
况逢文景化維新

上陽宮

春半上陽花滿樓  
太平天子昔巡遊  
千門雖對嵩  
山在一笑還隨洛水流  
深鎖笙歌巢燕聽遙瞻金  
碧路人愁翠華却自昇仙去  
腸斷宮娥望不休

舊侯家

臺閣層層倚半空  
遶軒澄碧御溝通  
金鈿座上歌  
春酒盡颯尊前滴  
曉風歲月不知成隙地  
子孫誰更紫殊功  
人間若算無榮辱  
却是扁舟一釣翁

傷侯第

世間榮辱半相和昨日權門今雀羅萬古明君方  
納諫九江遷客更應多碧池草熟人偷釣畫戟春  
閑鶯亂過幾許樂僮無主後不離隣巷教笙歌

長城

當時無德御乾坤廣築徒勞萬古存設役生民防  
極塞不知血刃起中原珠璣旋見陪陵寢社稷何  
曾保子孫降虜至今猶自說冤聲夜夜傍城根

邊將

馬上乘秋欲建勳飛狐夜闕出師頻若無紫塞煙

塵事誰識青樓歌舞人戰骨沙中金鏃在賀筵花  
畔玉蟾新由來邊卒皆如此只是君門名殺身

征人

青樓一別戍金微力盡秋來破虜圍錦字莫辭連  
夜織塞鴻長是到春歸正憐漢月當空照不奈胡  
沙滿眼飛唯有夢魂南去日故鄉山水路依稀

老將

百戰辛勤歸帝鄉南斑斑裏最南行弓欺猿臂秋  
無力劍泣虬髯曉有霜千古耻非書竹帛一心猶  
日向河湟年年宿衛天顏近曾把功勳奏建章

春閨

愁坐蘭閨日過遲  
卷簾巢燕羨雙飛  
管絃樓上春應在  
楊柳橋邊人未歸  
玉笛豈能留舞態  
金河猶自浣戎衣  
梨花滿院東風急  
惆悵無言倚錦機

釣翁

一作鄭谷詩

來往煙波非定居  
生涯蓑褐一作笠外無餘閑  
垂兩

鬢任如鶴只繫

一作祗把

一竿時得

一作釣

魚月浦扣船

歌皎潔雨蓬隈岸臥  
蕭疎行人悞話金張貴  
笑指北印丘與墟

春風

每歲東來助發生舞空悠颺徧寰瀛  
暗添芳草池塘色遠遞高樓簫管聲  
簾透驪宮偏帶恨花催上苑剩多情  
如何瑞車書日吹取青雲道路平

流水

漾漾悠悠幾派分中浮短艇與鷗羣  
天街帶雨淹芳草玉洞飄花下白雲  
靜稱一竿持處兄急宜孤館覺來聞  
隋家柳畔偏堪恨東入長淮日又曛

水簾

亂泉飛下翠屏中各共眞珠巧綴同  
一片長垂今與古半山遙聽水兼風  
雖無舒卷隨人意自有潺

浚濟物功每向暑天來往見疑將仙子隔房櫺

題笙

筠管參差排鳳翅月堂淒切勝龍吟最宜輕動纖  
纖玉醉送當觀灑灑金緜嶺獨能徵妙曲羸臺相  
並吹清音好將宮徵陪歌扇莫遺新聲鄭衛侵

白角簫

疊玉駢珪巧思長露華烟魄讓清光休撻雉尾當  
三伏似展龍鱗在一床高價不唯標越絕冷紋疑  
是臥瀟湘杜陵他日重歸去偏稱醉眠松桂堂

謝友人遺華陽巾

剪霧裁烟勝角冠來從玉洞五雲端醉宜薤葉欹  
斜影穩稱菱花子細看野客愛留籠鶴髮溪翁爭  
乞配魚竿真仙首飾勞相寄塵土翻慙戴去難

早梅

綴雪枝條似有情凌寒澹注笑粧成凍香飄處宜  
春早素艷開時混月明遷客嶺頭悲裏裏美人簾  
下妬盈盈滿園桃李雖堪賞要且東風晚始生

槐花

行宮門外陌銅駝兩畔分栽此最多欲到清秋近  
時節爭開金蘂向關河層樓寄恨飄珠箔駿馬憐



香撼玉珂愁殺江河隨計者年年爲爾剩奔波

牡丹

落盡春紅始着

見一作

花花時比屋事豪奢買栽池

館恐無地看到子孫能幾家門倚長衢攢繡輓幄

籠輕日護香霞歌鍾滿座

一作對此

爭歡賞肯倩流年

鬢有華

野花

拂露叢開血色殷枉無名字對空山時逢舞蝶尋  
香至少有行人輟棹攀若在侯門看不足爲生江  
岸見如閑結根畢竟輸桃李長近春城紫陌間

蘆花

如練如霜乾復輕西風處處拂江城長垂釣叟看  
不足暫泊王孫愁亦生好傍翠樓裝月色枉隨紅  
葉舞秋聲最宜群鷺斜陽裏閑捕纖鱗傍爾行

芳草

廢苑墻南殘

一作淺

雨中似袍顏色正蒙茸微香暗

惹遊人步遠綠纔分鬪雉蹤三楚渡頭長恨見五  
侯門外却難逢年年縱有春風便馬跡車輪一萬  
重

竹

翠葉纔分細細枝，清陰猶未上堦墀。  
蕙蘭雖許相依日，桃李還應笑後時。  
抱節不爲霜霰一作雪改，成林終與鳳凰期。  
潤濱若更徵賢相，好作漁竿繫釣絲。

鸚鵡詠

玉檻瑤軒任所依，東風休憶嶺頭歸。  
金籠共惜好毛羽，紅紫莫教多是非。  
便向鄰堂誇飲啄，還應彌筆發光輝。  
乘時得路何須貴，燕雀鸞鳳各有機。

鶯

暖辭雲谷背殘陽，飛下東風翅漸長。  
却笑金籠是

羈絆豈知瑶草正芬芳  
曉逢溪雨投紅樹  
晚轉宮樓泣舊粧  
何處離人不堪聽  
灞橋斜日裏垂楊

鴛鴦

江雲碧靜

一作紅閨碧霽

瑞烟開錦翅雙

一作輕

飛去又迴

一種鳥憐名字好祇

一作盡

綠人恨別離來暖依牛

渚汀莎媚夕宿龍池禁漏催  
相對若教春女見便  
須携向鳳凰臺

聞杜鵑

花時一宿碧山前  
明月東風叫杜鵑  
孤館覺來聽夜半  
羸僮相對亦無眠  
汝身哀怨猶如此  
我淚縱

橫豈偶然爭得蒼蒼知有恨汝身成鶴我成仙

蟬

纔入新秋百感生就中蟬噪最堪驚能催時節凋  
雙鬢愁對江山聽一聲不傍管絃拘醉態偏依楊  
柳撓一作離情故園聞處猶惆悵況是經年萬里  
行

戊籤五十四羅鄴之三

唐音統籤卷

六百六十四

五言絕句

秋別

別路垂楊柳秋風淒管絃青樓君去後明月爲誰圓

秋蝶二首

秦樓花發時秦女笑相隨及到秋風日飛來欲問誰

似厭棲寒菊翩翩占晚陽愁人如見此應下淚千行

共友人看花

愁將萬里身來伴看花人何事獨惆悵故園還又  
春

七言絕句

駕蜀回

上皇西幸却歸秦花木依然滿禁春唯有貴妃歌  
舞地月明空殿鎖香塵

宮中二首

芳草長含玉輦塵君王遊幸此中頻今朝別有承  
恩處鸚鵡飛來說似人

雖然自小屬梨園不識先皇玉殿門  
還是當時歌舞曲今來何處最承恩

公子行

雕鞍玉勒照花明過後香風特地生  
半醉五侯門裏出月高猶在禁街行

秋怨

夢斷南窗啼曉鳥新霜昨夜下庭梧  
不知簾外如珪月還照邊城到曉無

春遊鬱然有懷賦

芳草和煙暖更青閑門要路一時生  
年年點檢人



間事唯有春風不世情

送春

欲別東風剩黯然亦知春去有明年  
世間爭那人  
光老更對殘花一醉眠

看花

花開只恐看來遲及到愁多未看時  
家在楚鄉身  
在蜀一年春色負歸期

長安春雨

兼風颯颯灑皇州能滯輕寒阻勝遊  
半夜五侯池  
館裏美人驚起爲花愁

春日偶題城南韋曲

韋曲城南錦繡堆，千金不惜買花栽。  
誰知豪貴多鶻鶻，東落盡春紅不見來。

落第東歸

年年春色獨懷羞，強向東歸懶舉頭。  
莫道還家便容易，人間多少事堪愁。

出都門

青門春色一花開，長到花時把酒盃。  
自覺無家似潮水，不知歸處去還來。

灞上感別

灞水何人不別離無家南北倚堪悲十年此路花  
時節立馬沾襟酒一卮

大散嶺

過往長途日色稀雪花如掌撲行衣嶺頭却望人  
來處特地身疑是鳥飛

春江恨別

望斷長川一葉丹可堪歸路更沿流重來別處無  
人見芳草斜陽滿渡頭

歎別

北來南去幾時休人在光陰似箭流且待江山盡

無路始應拋得別離愁

南行

臘晴江暖鵝鶩飛梅雪香粘越女衣魚市酒村相  
識徧短船歌月醉方歸

早行

雨灑江聲風又吹扁舟正與睡相宜無端戍鼓催  
前去別却青山向曉時

行次

終日長程復短程一山行盡一山青路傍君子莫  
相笑天上由來有客星

黃河曉渡

大河平野正窮秋，羸馬羸僮古渡頭。  
昨夜蓮花峰下月，隔簾相伴到明愁。

嘉陵江

嘉陵南岸雨初收，江似秋嵐不煞流。  
此地終朝有行客，無人一爲棹扁舟。

然卿曰煞瓜肥也  
煞大是也

渡江有感

岸落殘紅錦雉飛，渡江船上夕陽微。  
一枝猶負平生意，歸去何曾勝不歸。

江上言事

一帶長溪綠浸門  
數聲幽鳥啄雲根  
松亭盡日唯空坐  
難得儒翁共討論

江帆

別離不獨恨  
蹄輪渡口風帆發  
更頻何處青樓方  
凭檻半江斜日認歸人

鳳州北樓

城上層樓北望時  
閑雲遠水自相宜  
人人盡道堪圖畫  
枉遣山翁醉習池

流水二首

人間莫謾惜花落  
花落明年依舊開  
却最堪悲是  
流水便同人事去無迴

龍躍虬蟠旋作潭  
繞紅濺綠下東南  
春風散入侯  
家去漱齒花前酒半酣

水簾

萬點飛泉下白雲  
似簾懸處望疑真  
若將此水爲  
霖雨更勝長垂隔路塵

吳王古宮井二首

古宮荒井曾平後  
見說耕人又鑿開  
拾得玉釵鐏  
勅字當時恩澤賜誰來

令青薜荔隨金甃碧砌磷磷生綠苔莫言數尺無  
波水曾與如花並照來

望仙

千金壘土望三山雲鶴無蹤羽衛還若說神仙求  
便得茂陵何事在人間

陳宮

白玉尊前紫桂香迎春閣上燕雙雙陳王半醉貴  
妃舞不覺隋兵夜渡江

汴河

煬帝開河鬼亦悲生民不獨力空疲至今嗚咽東



流水似向清平怨昔時

驪山

風搖巖桂露聞香  
白鹿驚時出繞牆  
不向驪山鎖  
宮殿可知仙去是明皇

溫泉

一條春水漱莓苔  
幾繞玄宗浴殿回  
此水貴妃曾  
照影不堪流入舊宮來

河湟

河湟何計絕烽烟  
免使征人更戍邊  
盡放農桑無  
一事遣教知有太平年

歎平泉春

一作傳  
平泉莊

生前幾到此亭臺尋歎投荒去不回若使春風會  
人意花枝盡合向南開

題終南山僧堂

九衢終日見南山名利何人肯掩關唯有吾師達  
真理坐看雙樹老雲間

過王濬墓

埋骨千年近路塵路傍碑號晉將軍當時若使無  
功業早箇耕桑到此墳

上東川顧尚書

輕財重義真公子長策沉機繼武侯  
龍節坐持兵十萬可憐三蜀盡無憂

爲人感贈

歌舞從來最得名如今老寄洛陽城  
當時醉送龍驤曲留與誰家唱月明

贈僧

繁華舉世皆如夢今古何人肯暫閑  
唯有東林學禪客白頭閑坐對青山

雲

紛紛靄靄遍江湖得路爲霖豈合無  
莫使悠颺只

如此帝鄉還更暖蒼梧

梅花

繁如瑞雪壓枝開越嶺吳溪免用栽却是五侯家  
未識春風不放過江來

柳絮

處處東風撲晚陽輕輕醉粉落無香就中堪恨隋  
堤上曾惹龍舟舞鳳凰

鷄冠花

一枝濃艷對秋光露滴風搖倚砌傍曉景乍看何  
處似謝家新染紫羅囊

芳草

曲江岸上天街裏  
兩地縱生車馬多  
不似萋萋南浦見  
晚來烟雨半相和

鴈二首

暮天新鴈起汀洲  
紅蓼花開水國愁  
想得故園今夜月  
幾人相憶在江樓

早背胡霜過戍樓  
又隨寒日下汀洲  
江南江北多離別  
忍報年年兩地愁

聞子規

蜀魄千年尚怨誰  
聲聲啼血向花枝  
滿山明月東

風夜正是愁人不寐時

放鷓鴣

好倚青山與碧溪  
刺桐毛竹待雙栖  
花時遷客傷離別  
莫向相思樹上啼

螢二首

水殿清風玉戶開  
飛光千點去還來  
無風無月長門夜  
偏到堦前照綠苔

徘徊無燭冷無烟  
秋迳莎庭入夜天  
休向書窗來照字  
近來紅蠟滿歌筵

鏡

昔歲相知別有情，幾迴磨拭始將行。如今老去愁無限，把向閑窗却怕明。

蠟燭

煖香紅焰一時燃，綈幕初垂月落天。堪恨蘭堂別離夜，如珠似淚滴樽前。

戊籤五十五

唐音統籤卷

六百六十五

薛逢字陶臣河東人文詞俊拔會昌初擢進士第  
孫鑪幕歷侍御史尚書郎爲人褊忿多忤初與劉  
瑒交每侮易之瑒知政事有薦逢知制誥者瑒以  
例抑之試巴州郡楊收王鐸亦皆同年收作相逢  
有詩微辭譏訕收銜之復斥蓬綿二州收罷得還  
爲太常少卿給事中及鐸登庸又以詩訾鐸鐸又  
怨之不爲引用以秘書監終詩集十卷今編其有  
者爲二卷

唐志云詩集十卷宋志云別集九卷詩

一卷豈本集合詩文爲十卷宋分爲二

集故止詩一卷耶然文獻通考又云歌詩二卷爲

不同逢嘗貌真自爲贊曰壯哉薛逢長七八五



寸於是絕筆終未能續一旦忽一羽衣詣門見真  
讚命筆續之云手把金鉤繫開混沌長揖而去不  
知所之逢以盤混沌賦得名也 擬言云逢晚年  
厄於宦途當策羸赴朝值新進士勝下綬行而出  
凡逢行李蕭條前導日迴避新郎君逢驟然遣人  
語之曰莫貪相阿婆三五少年時也曾東塗西抹  
來

七言古詩

老去也

惆悵人生不滿百一事無成頭雪白迴看幼累與  
老妻俱是途中遠行客匣中舊鏡照膽明昔曾見  
我髫未生朝中暮懶不自省老皮皴皴文縱橫合  
掌髻子赫許大此日方知非是我暗數七旬能幾

何不覺中腸熱如火老去也爭奈何敲酒盞唱短歌短歌未竟日已沒月映西南庭樹柯

鐺白曲

去年鐺白髮鏡裡猶堪認

一作薄

年少今年鐺白髮

兩眼昏昏手戰跳滿酌濃醕假顏色顏色不揚翻

自笑少年曾讀古人書本期獨善安有餘雖益長

安一片瓦未遑卒歲容寧居前年依亞成都府月

請俸緡六十五妻兒骨肉愁欲來偏梁閣道歸得

否長安六月塵亘天池塘鼎沸林欲燃合家慟哭

出門送獨驅疋馬陵山巔到官只是推誠信終日

兢兢幸無恡丞相知憐爲小心忽然奏佩專城印  
專城俸入一倍多况兼職祿霜我我山妻稚女悉  
迎到時刻綠罇醑酒歌醉來便向罇前倒風月滿  
頭絲皓皓雖然減得闔門憂又加去國五年老五  
年老知柰何來日少去日多金鎚鎚碎黃金鑷更  
唱罇前老去歌

追昔行

朝光如飛猶尚可暮更如箭不容卧健爲穿城更  
漏頻一一皆從枕邊過一夕凡幾更一更凡幾聲  
青春枉向鏡中老白髮虛從愁裏生曾窺帝里東

鄰女自比桃花鏡中許一朝嫁得征成兒荷戈千里防秋去去時只作旦暮期別後生歿俱不知風驚粉色入蟬鬢愁送鏡花潛墮枝前年因出長安陌見一女人頭雪白日中扶杖憩樹陰髣髴形容認相識向予吁嗟還獨語曾與君家鄰舍住當時妾嫁與征人幾向牆頭誚夫主花開葉落何推遷屈指數當三十年頭眉薤葉同枯葉琴上朱絃成斷絃嫁時寶鏡依然在鵲影菱花滿光彩夢裡長嗟離別多愁中不覺顏容改歎息人生能幾何喜君顏貌未蹉跎因君下馬重相顧請奏青門腸斷

歌

醉春風

去年春似今年春依舊野花愁殺人  
健爲縣裏古城上開似好花飛是塵  
戲蝶狂蜂相往返一枝花上聲千萬  
時節先從暖處開北枝未發南枝晚  
江城太守鬚髯蒼忽然置酒開華堂  
歌兒舞女亦隨後暫醉始知天地長  
項年曾作東周掾同舍尋春屢開宴  
斗門亭上柳如絲洛水橋邊月如練  
洛陽風俗不禁街騎馬夜歸香滿懷  
坐客爭吟碧雲句美人醉贈珊瑚釵  
日往月來何草草今年又長三

年老槽中駿馬不能騎惆悵落  
花開滿道爲報時人知不知看  
花對酒定無疑君看野外孤墳  
下石羊石馬是誰家

君不見

君不見馬侍中氣吞河朔稱英  
雄君不見韋太尉二十年前鎮  
蜀地一朝冥漠歸下泉功業聲  
名兩憔悴奉誠園裏蒿棘生長  
興街南沙路平當時帶礪在何  
處今日子孫無地耕或聞羈旅  
甘常調簿尉文參各天表清明  
縱便天使來一把紙錢風樹杪  
碑文半缺碑堂摧祁連塚象狐  
兔開野花似雪

落何處棠梨樹下香風來馬侍中韋太尉盛去衰  
來片時事人生倏忽一夢中何必深深固權位

鄰相反行

東家有兒年十五只向田園獨辛苦夜開溝水遠  
稻田曉叱耕牛墾壑上西家有兒纔弱齡儀容清  
峭雲鶴形涉書獵史無早暮坐期朱紫如拾青東  
家西家兩相詣西兒笑東東又笑西云養志與榮  
名彼此相非不相調東家白云雖苦辛躬耕早暮  
及所一作得及親男春女粳二十載堂上未爲衰老人  
朝機暮織還充體餘者到兄還及弟春秋伏臘長

在家不許素奴暫違禮爾今二十方讀書十年取  
第三十餘往來途路長離別幾人便得升公車縱  
令得官一作貴身須老銜恤終天向誰道百年骨肉  
歸下泉萬里枌榆長秋草我今躬耕奉所天耘鋤  
刈穫當少年面上笑添今日喜肩頭薪續厨中煙  
縱使此身頭雪白又見兒孫還稼穡家藏一卷古  
孝經世世相傳皆得力爲報西家知不知何須謾  
笑東家兒生前不得供甘滑歿後揚名徒爾爲

靈臺家兄古鏡歌

一尺圓潭深黑色篆文如絲人不識耕夫云住赫



連城赫連城下親耕得鏡上磨瑩一月餘日中漸  
見菱花舒金膏洗拭銚澁盡黑雲吐出新蟾蜍人  
言此是千年物百鬼聞之形暗慄玉匣曾經龍照  
來豈宜更鑒農夫質有時霹靂半夜驚窓中飛電  
如晦明盤龍鱗展玉匣溢牙爪觸風時有聲耕夫  
不解珍靈異翻懼赫連神作祟十千賣與靈臺兒  
百丈靈湫坐中至濫匣水色如欲傾兒童不敢窺  
泓澄寒光照人近不得坐愁雷電湫中生吾兄吾  
兄須愛惜將來慎勿虛拋擲興雲致雨會有神莫  
遣紅粧穢靈跡

五言律詩

夏夜宴明月湖

夏夜宴南湖  
琴觴興不孤  
月搖天上桂  
星泛浦中珠  
助照螢隨舫  
添盤筍進厨  
聖朝思靜默  
堪守谷中愚

席上酬東川嚴中丞叙舊見贈

昔記披雲日  
今逾一十年  
聲名俱是夢  
恩舊半歸泉  
朱紱慙衰齒  
紅樓憫別筵  
離歌正淒切  
休更促危絃

酬牛秀才登樓見示

旅館再經秋心煩懶上樓年光同過隙人事且隨  
流骨肉憑書問鄉關託夢遊所嗟山郡酒傾盡只  
添憂

大米

暴雨逐驚雷從風忽驟來浪驅三島至江拆二儀  
開勢恐圓樞折聲疑厚軸摧冥心問元化天眼幾  
時回

五言排律

送西川梁常侍之新築龍山城并錫賚兩州  
刺史及部落酋長等

聖主愛夷貊屯師翦束欽

浪古一各束欽

皇家思眷祐星

使忽登臨用命期開國違天必殲讎化須均草樹  
恩不問飛沉束馬凌蒼壁捫蘿上碧岑瘴川風自  
熱劍閣氣長陰迅瀨從天急喬松入地深仰觀唯  
一運俯瞰卽千尋水作新城帶山爲故壘襟東開  
洞君聽南關納蠻心渥澤濡三部

謂三王部落

衣冠化

兩林帶文雕白玉符理篆黃金鳥道經印雙星纏

過紫參迴軒知瘴癘休作苦辛吟

卷終